

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vita Christi - Cod. Donaueschingen 436

Michael <de Massa>

Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]

Mariae Heimsuchung

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

24
schichten vnd gotlichen wercken so soltu dine ge-
dancken da mit bekümben vnd lustlich betrach-
ten so erzögt dir got noch vil grosser ding

Hie betrachte wie maria gieng heim suchen
in mumen sant elisabeth.



Noch der zit das
gabriel der erzen-
gel gescheide was
von marien der
hailigen jungfro-
wen vnd mütter
vnserz heizen ihe-
su cristi. Do fiel er
in iren sin die wort
die er der selb engel
gesagt hatte von
irer mumen eli-
zabeth. Do sagzte

si vff in ir selb si wolte si daheim suchen vnd
sich erfrowen mit ir der guaden die im beiden
got hatte getan vnd wolte ir do ze dienste wesen
bereit wenn si vnser hezre des kindes tette in
arbeit gan. Auch so wolte vnser hezre ihesus cri-
stus den maria sine werde mütter in ir trug so
hannes hailigen in seiner mütter libe do ilte er
noch. Dar vmb so machte si sich vff vnd ging
mit irem brütegom ioseph von nazareth zu einē

kleinen stetteln do man saget das zacharias do
zu der zit wonhafft was vnd das selbe stettlin
ist vier mile von iherusalem gelegen vnd von na
zareth funff vnd dzuffig mile oder da by. Vnd dar
vmb das sū mit gezue offenbar ging vff den stros
sen vnder luten so iletē sū vaste balde vnd schū
hete keine hertikeit des weges noch keine lenge
der mile vnd ouch was sū mit besweret mit irer
geburt als ander frowen pflegen gemeinlich ze
sinde. Wenn vnser hezre ihesus cristus der wolte
sine hailige vnd liebe muter mit besweren. **W**ar
vmb das maria wolte gan hin an das geburge. **D**o
spricht zu vns sanctus ambrosius von also maria
gieng mit an das geburge vmb das das sū mit glou
bete das ir der engel gesagt vnd gelobet hatte
von gottes wegen noch das sū mit sicher were des
botten oder das sū zwifelte an dem wortzeichen
das ir was gesagt von elizabeth. **S**onder sū gieng
erfrowet vmb das das ir gelobet vnd gegeben
was vnd vmb das das sū vben wolte geistlicher
vnd gotlicher vbonge in dem das sū elizabeten
zu dienste were vnd dar vmb so iletē sū von frou
den. **D**isen sin spricht sant ambrosius in kurzen
worten. **L**ug vil lieber leser wie die konigen hy
mels vnd ertrichs gat alleine mit irem brutgom
joseph ze fusse vnd hett weder pferz noch roß.
Sonder aller der tugende erbarkeit tatent ir

Das ir sprichet sant ambrosius in kurzen Worten

gesellschaft das was armüt vnd was **J**ottmütigkeit
 vnd was schamkeit. Ouch vil lieber mensche so
 lüg des buten ich dich wie vil grosser erber gesel-
 schafft vnser hezre ihesus cristus mit Ime hatte
Er hatte mit fürsten noch hochmütige herrē diser
 welt/sonder er hatte fürsten des hymels vnzeh-
 lichen vil die vff Im wartetent als vff uren kō-
 nig vnd hezen. **M**aria gieng in das hufz do zacha-
 rias wonete vnd grüßte elisabeth vnd in dem grufz
 do wart das kint zestond bewegt zu einer froide
In elisabets lichnam vnd von der froide des kin-
 des so wart die müter elizabeth also vaste erfro-
 wet vnd **e**mpfinget mit dem hailigen gaiste das **J**erfüllet
 si von grosser froide marien lieblich vmb vieng
 mit uren armen vnd ruffte mit hoher stime vnd
 sprach. **G**esegnöt bistu vnder den wiben vnd gese-
 gnöt ist die frucht dines lübes. **V**nd wennē kō-
 met mir das/das die müter mines hezen zu mir
 kōmet/vnd wisse ouch leser das das kint johanes
 wart erfüllet mit dem hailigen gaiste zestond do
 maria grüßte elisabeth vnd wart dar ab bewegt
 in freuden in der müter lip vnd also mit dem igusse
 des hailigen gaistes machte vnser hezre ihesus zum
 ersten mole **e**inen propfeten vnd da von wart die **J**oannes
 müter erfüllet mit dem hailigen gaiste do ir kint
 hatte gnade empfangen. **W**enn gleicher wise als die
 müter elisabet erkante die gegenwürtlichkeit vnser

J Marien. also erkant johannes die gegenwürtlichkeit

... auf den ersten ...

herren vnd ^{er} erfüllt si vnd dar vmb so er fröwete
er sich vnd von der fröide sprach elisabeth als ein
prophetissa. Do maria gehört hatte die antwurte
elisabeten do erkunde si ouch mit lenger geschwigen
der grossen gabe vnd gnade die si empfangen hatte
vnd von Jungfrowelicher schamede alle zit in dem
herzen bedeckt vnd sprach. **W**isset gross machet
den herren. Als ob si wolte sprechen. dise wort die
sant bernhart dar vff sprichet in disem synne. got
der hat mich erhohet als mit grosser gabe die nie
me gehört ist vnd die keine zonge erzelen kan
vnd ouch kein herze begriffen mag vnd dar vmb
so zwingt ich alle die krefft mine seile mit lob
vnd mit danck sagen vnd alle mine verstantnisse
vnd was ich in mir han das stelle ich an geschowen
de zu erhohende sine grösse die da kein ende hat fro
lichen. **W**enn von sine haile das ihesus cristus ist
so fröwet sich min gaist der ewigen gottheit in wel
ches ihesus cristus empfangnisse in minem tempel ge
fruchtiget ist min fleisch. vnd also so sprach si das
lob der frolichkeit. **M**agnificat anima mea dominum
ganz vnd gar vff vnd do ergetzten si sich beide
maria vnd elisabeth in lobende got von irer beider
empfangnisse vnd machten sich frolich vnd danckte
got seiner gnaden. **O**wie selig ist das hufz do also
zwo müter zesamen sitzen vnd woenent die mit
solchen sönen befruchtiget sint maria vnd elisabeth

.. Ihesus cristus ..

26

Ihesus cristus vnd Johannes vnd dar zu die zweene
alten zacharias vnd Joseph. Do bleip maria by
elisabeth garnoch drie monade vnd was zediensste
elisabeth in all dem das si konde ottmütlichen
vnd Imeklichen mit grosser würdikeit/recht
als ob si nicht zu ze sinne hette das si ein muter
gottes were vnd Königinne der welt. Vnd in dem
dienste bleib si bitz das das kind Johannes ein
fürbotte vnserz herren geboren wart das si den
sehe darvmb si vff das meiste do hin komē was
Do die zit vollbracht was vnd elisabeth des kind
des genesen was vnd darnoch vber acht tage do
das kind besnytten wart vnd der name Johanes
zu getzeichent was do wart zacharias dem vatter
der mand geoffnet vnd pphetierte vnd sprach also
Gesegnot ist der hezre got des volkes von israhel
vnd sprach das lob vnd gesenge ganz vff vnd al
so worden die zweene hohe gesenge in dem huse ge
machtet. Das kind wuß vff vnd wart gesterzt
in dem gaiste vnd gieng in die wüstuuge vnd do
bleib er Ime bitz an die zit das er begonde ze
predigende dem volke von israhel. **H**ie betrachte
vnd mercke in den Worten die vorgefagt sint
die sonderliche grosse würdikeit do vnser hezre
ihesus cristus Johanes mit erhohet hat vnd vil
ander geschefte die men von Ime geschriben fin
det. **N**och der zit do Johannes wart geboren vnd

elisabeth wider vff kōmen was do gesegente ma-
ria elisabeth vnd zacharias vnd das kint Johan-
nes vnd gieng wider heim zu nasareth in ire wo-
nūge. **H**ie soltu lieber leser milteklich betrachte
in diser widerfart marien grosse armūt. **S**u
kam heim ze huse do su mit Josephⁱⁱⁱⁱ wonete do su
weder brot noch wim oder ander notdurfft jme
vand/ wenn su was gesin by irer mumen elisa-
beth garnach drie monat die wol redelichen
lebete vnd muste do wider in ire armūt gan mit
Joseph vnd muste do arbeiten mit iren henden
vff das su sich erneret vnd gewūnen das su
gesen vnd trincken. **L**as dich erbarmen ire gros-
se armūt one zwiifel du gewinnest ouch armūt
lieb han. **O**uch so mercke hie grosse armūt vnd
ottmütikeit/ wenn su gieng ze fusse mit irem brüt-
gom Joseph zu elisabeten vnd diende ir ottmütik-
lichen vnd jnnelichen. **V**nd die ottmütikeit er-
kante su wol in ir selb vnd erfrowete sich der in
gute in irem gesenge vnd lobe/ do su spricht also
wenn er hat an gesehen die ottmütikeit siner ma-
get. **O**uch die ein miter gottes erkoren was die
nennet sich ein maget vnd die vol tugende ist die
erzelle vnd erkomet alle ottmütikeit/ das merk-
te sant bernhart vnd spricht daruff also. **W**erlich
ottmütikeit ist alleine von maria der die do wol
aller tugende ist schetzet vnd meinet der men sich

27
moge erfrowen. Wenn do si horte von dem en-
gel also zu ir sprechen. Begrisset siestu vol gna-
den. So findet man in dem das si geantwurt
hat als ob si in der volheit alleme ottmütikeit demütikeit
erkante in aller der gnaden in dem wortte do
si sprach. Got hat an gesehen die ottmütikeit
siner maget. Do gedencke ouch an vil liebes
mensche vnd vbe dich in der ottmütikeit.

Hie soltu betrachten wie der engel sprach
zu Joseph in dem flosse das er marien mit
lossen solte vnd das er keine vorchte solte ha-
ben si hette enpfange von dem heiligen gaiste



heiligen gaiste / do merckte Joseph das maria

Da der zit do ma-
ria was widerkö-
men zu nazareth
vnd Joseph vnd ma-
ria byeinander wo-
neten vnd vuser
herre ihesus wuf
den maria in ir
trug vnd es was
offenbar das si
swanger was wie
wol das si enpfan-
gen hette von dem